



SIUMUT NALUNAARUTEQARNEQ

Nuummi Dronning Ingridip Napparsimmavissuani ikualattoornissamut isumanaallisaanerup pilerseqqinneqarnissaani suliassanik teknikkimut tunngasunik neqerooruteqartitsisoqarumaarnissaa

1. Suliakkiisoq

Nunatsinni Peqqinnissaqarfik

2. Suliniummi tunuliaqutaasoq

Nuummi Dronning Ingridip Napparsimmavissuani ikualattoornissamut isumanaallisaanermik pilersitseqqillunilu uppersaanissaq siunertaralugu, Nunatsinni Peqqinnissaqarfik ukiuni arlalinni suliniummik ingerlatsissaaq Napparsimmavissuup illutaa ukiuni arlalinni sanaartorneqarsimasooq ikualattoorsinnaanermut pitsaaliisussanik assigiinngitsunik maleruagassaqarpoq, assigiinngitsunut atorneqarpoq assigiinngitsunilu uppersaattissanik tunngavissaqarluni. Napparsimmavissuup illutai akimorlugit assigiaartumik pisortaniillu akuerisaasumik ikualattoorsinnaanermut isumanaallisarneqarnissaa, suliniummi qulakkeerneqassaaq, tamatumalu peqatigisaanik napparsimmavissuarmi ingerlatsineq akornuserneqarani ingerlaannarsinnaassalluni.

3. Suliassat sumi suliarineqarnissaat annertussusaallu

Suliassat Nuummi Dronning Ingridip Napparsimmavissuani ingerlanneqassapput.

Teknikkimut tunngasunik sanaartornissamut isumaqatigiissummi isumaqatigiissutaajumaartussaq ilaatigut makkunannga suliassartaqassangatinneqarpoq:

- Ikuallatsaaliinissamut atatillugu innaallagisserisut suliassaat
- Atortorissaarutit mekaniskit (MECH).
- Ikuallattoqalernerani kalerisaarutit isumaminnik aallartittartut (ABA).
- Teknikkimut tunngatillugu atortut aqqutaanni putunik milissuineq.
- Teknikkikut atortorissaarutit oqorsaaneq
- Naleqqussaneq, taarsersuineq ikualattoqalissappat kalerrisaarutit, qatserutit ikkussuineq qimanngussinissamullu periarfissanik toqqissinartunik pilersitsineq.
- Ikuallattoqalissappat kalerrisaarutit misileraaneq, atuutilersitsineq uppersaaneerlu
- Atortunik teknikkimut tunngasunik pioreersunik ataqatigiissaarineq.

Suliniut napparsimmavimmi sulineq unitsinnagu ingerlanneqassammat, ulluinnarni nakorsaanerup ingerlanneqarnissaa eqqarsaatigalugu sanaartortitsisoq ataqatigiissaarisarsinnaassaaq, tullerijaaarluni sulianik ingerlatsisinnaassaaq sulinermilu pissutsinik allanguisinnaassalluni.



4. Neqerooruteqartitseriaaseq

Neqerooruteqartitsinerup sanaartornermi neqerooruteqartitsisarneq pillugu Inatsisartut inatsisaat nr. 9, 19. august 2021-imeersoq pillugu nalunaarut naapertorlugu killilimmik neqerooruteqartitsinertut ingerlanneqarnissaa suliaakkiisumit naatsorsuutigineqarpoq. Sanaartugassap pingaarnertut maleruagassat malillugit ataatsimut sanaartortitsinissatut, suliniutip ima avillugu neqeroorutaanissaa naatsorsuutigineqarpoq:

- Sanaartornissamut isumaqatigiissut.
- Teknikkimut tunngasunut isumaqatigiissut.

Tamatuma saniatigut teknikkimut tunngasut ilaat immikkut neqerooruteqartitsissutaasinnaapput.

Neqerooruteqartitsineq danskisut ingerlanneqassaaq, taamatuttaaq neqerooruteqartitsineri paasisutissat, isumaqatigiissusiornermi tunngavissat assigisaallu danskisuujuussallutik.

5. Isumaqatigiinniarnermi periuseq

Iluanaarutissaq ilanngutereerlugu akimik aalajangiisarnermik neqerooruteqartitsineri paasisutissani, sanaartortitsisup akip iluanaarutitaqanngitsup procentia aalajangerlugu neqerooruteqartullu ilaatigut akigititamut aalajangersimasumut akunnermullu akigititanut unammillernissaa, sanaartortitsisumit naatsorsuutigineqarpoq.

6. Isumaqatigiissusiornermi tunngavik

Akip pitsaassutsillu ataqatigiilluarnertat tunngavigalugu isumaqatigiissusiortoqarnissaa naatsorsuutigineqarpoq. Naliliineri ilaatigut makku pingaartinneqarnissaat naatsorsuutigineqarpoq:

- Suliassanit taamaaqataannit najoqqutassat naapertuuttut.
- Suliap ingerlanneqarnissaanut allanngunissamullu piareersimanermut nassuiaat.
- Sulisut immikkut piginnaasallit piginnaasaat.
- Immikkut piginnaasaqarfimmut uppersaatait sulisinnaatitaanermullu uppersaatait pisariallit.

7. Piffissamik atuiffissatut naatsorsuutigisaq

Neqerooruteqartitsinissamut paasisutissat 2026-ip naalernerani tamanut saqqummiunneqarnissaat suliaakkiisumit naatsorsuutigineqarpoq.

Suliniut illuutini ataasiakkaani suliniummik piareersaanerit naammassineqarnerat ilutigalugu tulleriaarlugu ingerlanneqassaaq. Suliap 2027-ip aallartisinnaalernerani aallartinneqarnissaa naatsorsuutigineqarpoq 2030-imilu naammassineqarnissaa naatsorsuutigineqarluni. Suliniummik piareersaanerup ataatsimut 2029-imi naammassineqarnissaa naatsorsuutigineqarpoq.

Piffissamik atuinissamut pilersaarutaajumaartussaq neqerooruteqartitsilernermi paasisutissani takuneqarsinnaassaaq.



8. Suliassamik soqutiginninneq

Suliffeqarfiit neqerooruteqartitsinissamut paasissutissanik pissarserusuttut imal. suliniummik soqutiginnittut uunga attaveqarsinnaapput:

COWI A/S

Att.: Anders Hartvigsen

E-mail: anhr@cowi.com

Soqutiginninnermik nalunaarneq nammeneq, neqerooruteqartitsinissami peqataanissamut pisinnaatitaaffiliinngilaq, piginnaatitsereernanilu suliarinnittussamik toqqaanerunngilaq

9. Nalunaarut una pillugu ilisimatitsissut

Siumut nalunnaarut una, taamaallaat pissarsiarisariaqakkatut naatsorsuutigisat pillugit ilisimatitsinissaq siunertaralugu tamanut saqqummiunneqarpoq, suliaakkiisorlu nassuiarneqartutut neqerooruteqartitsinissamik pisussaaffilerneqarani.